

## Pront per la transformaziun digitala en il Grischun

In onn suenter la fundaziun da GRdigital è vegnida terminada la fasa da svilup cun la concepziun da las lingias directivas e dals criteris da promoziun, la cumposiziun dal cussegl spezialisà, la pilotaziun dals emprims projects e l'occupaziun dal secretariat. A l'emprima radunanza generala regulara dals 9 da matg 2022 en las localitads da l'iBW Cuir ha l'uniun preschentà sias vastas lavurs da basa. Cun directivas da Good Governance, la cunvegna da prestaziun suttascritta cun il Chantun ed ina commembra/in commember supplementar per la suprastanza da la part italoфона dal Grischun cumenza per l'uniun ussa la lavur «regulara».

### Suprastanza operativa en la fasa da svilup

Exact avant in onn è vegnida fundada a chaschun d'ina radunanza salvada online pervia da corona l'uniun GRdigital cun 29 commembras e commembers da fundaziun. Durant l'emprim onn da gestiun ha la suprastanza cun sias cumpetenzas spezialisadas bain repartidas surpiglià la direcziun operativa e sviluppà a moda speditiva e cumpetenta las basas per manar l'uniun e per elavurar las dumondas da promoziun. En il focus da las lavurs da basa èn stads la concepziun da las lingias directivas e dals criteris da promoziun sco era la cumposiziun ed il profil dal cussegl spezialisà. Igl è stà la finamira da trametter vinavant recumandaziuns da promoziun a la Regenza sche pussaivel senza retardament. L'evaluaziun e la pilotaziun da differentas skizzas da project gia inoltradas avant la partenza uffiziala han gidà la suprastanza dad examinar la praticabladad da process e criteris. Igl ha dà in dialog constructiv cun var ventg petentas e petents. Il cussegl spezialisà è vegnì cumponì il 4. quartal 2021. Ils process da decisiun èn succedids en stretga coordinaziun cun la gruppa che ha examinà e cumpareglià las emprimas dumondas da promoziun. Uschia han ins pudì integrar l'entschatta dal 2022 persunas dal fatg tschernidas aposta per finalisar ensemen ils process. Cun Mariateresa Vacalli, Richard Patt, Gian Reto à Porta e Michael Eberle han expert:as cumpetent:as surpiglià questa incumbensa. Il cussegl spezialisà vegn considerà sco rait che vegn cumplettada cuntinuadamain cun ulteriur:as expert:as. Il 1. da schaner 2022 ha Marcel Meyer cumenzà sia lavur sco mainafatschenta. Dapi il 1. d'avrigl al sustegna Michèle Ullmann sco manadra da projects.

### Good Governance e cumenzament da las activitads regularas

Cun la suttascripziun da la cunvegna da prestaziun ordinaria cun il Chantun e la deliberaziun dal reglament da Good Governance a la radunanza generala dals 9 da matg 2022 po l'uniun ussa cumenzar ses manaschi operativ regular. Cun las directivas da Good Governance garantescha la suprastanza dad ademplir sias incumbensas a moda faira, transparenta ed objectiva, da manar l'uniun independentamain d'interess persunals e da mantegnair l'integritad e la vardavladad da GRdigital sco organisaziun spezialisada tenor l'art art. 5 da la Lescha davart la transformaziun digitala en il Grischun. Per l'on 2022 han prioritad las suandantas finamiras:

- GRdigital vegn percepi sco post da consultaziun e da coordinaziun cumpetent per temas da la transformaziun digitala.
- Different novs projects da la transformaziun digitala sa sviluppan cun agid da las raits da GRdigital.
- Emprims projects ch'èn vegnids inoltrads a GRdigital vegnan realisads.

- Il Chantun paja las emprimas contribuziuns da promoziun sin fundament da las recumandaziuns da promoziun positivs da GRdigital.
- Il cussegl spezialisà survegn novas commembras e novs commembers e daventa ina rait spezialisada da pli auta qualitat en il sector da la transformaziun digitala.

### **Cumplettaziun da la suprastanza**

La suprastanza actuala è vegnida constituida ils 10-05-21. En sia cumposiziun tegna ella quint da la diversitad cun resguardar criteris da vegliadetgna, schlattaina, cultura e biografia professiunala. Cun la tschernia da Aixa Andretta è la suprastanza vegnida cumplettada cun ina represchentanta cumpetenta represchentant cumpetent da las regions italofofas.

GRdigital surpiglia per incumbensa dal Chantun lavurs impurtantas en connex cun l'execuziun da la Lescha davart la transformaziun digitala en il Grischun. Ella è l'organisaziun spezialisads prescritta da la lescha che fa avanzar la promoziun finanziala da projects da digitalisaziun e fa recumandaziuns da promoziun tenor lingias directivas e criteris correspundents per mauns regenza dal chantun Grischun. L'uniun ha gia passa 130 commembras e commembers. Persunas privatas, interpresas ed organisaziuns pon daventar commembras da l'uniun.

### **Ulteriuras infurmaziuns dattan:**

Jon Erni, president  
e-mail: jon@grdigital.digital

Marcel Meyer, mainfatschenta  
e-mail: marcel@grdigital.digital I telefon: +41 81 250 69 11

Cuira, ils 9 da matg 2022